

# სახელმწიფო შესყიდვების შესახებ

## ხ ე ლ შ ე კ რ უ ლ ე ბ ა № 34

ქ. თბილისი

23 ივნისი 2017 წელი

**შემსყიდველი:** საჯარო სამართლის იურიდიული პირი - კიბერუსაფრთხოების ბიურო (შემდგომში "შემსყიდველი"), დირექტორის მოადგილის გიორგი ბესტავაშვილის სახით მისამართი: ქ. თბილისი, ც. დადიანის №30. ს/კ 200280622;

**მიმწოდებელი:** შპს „საჩუქრები-95“ მისი დირექტორის სერგო გეგეჭკორის სახით, მისამართი: ქ. თბილისი, რუსთაველის გამზ. N26 საიდენტიფიკაციო კოდი: 203826654, საბანკო რეკვიზიტები: სს „საქართველოს ბანკი“, ბანკის კოდი BAGAGE22, ანგარიშის ნომერი GE84BG0000000346237500

„სახელმწიფო შესყიდვების შესახებ“ საქართველოს კანონისა და სახელმწიფო შესყიდვების სააგენტოს თავმჯდომარის 2015 წლის 17 აგვისტოს №13 ბრძანებით დამტკიცებული „გამარტივებული შესყიდვის კრიტერიუმები და გამარტივებული შესყიდვის ჩატარების წესის“ მე-3 მუხლის პირველი პუნქტის „ვ“ ქვეპუნქტის საფუძველზე გამარტივებული შესყიდვის საშუალებით დებენ წინამდებარე სახელმწიფო შესყიდვის შესახებ ხელშეკრულებას (შემდგომში – ხელშეკრულება) შემდეგზე:

### 1. ხელშეკრულების საგანი

1.1. ხელშეკრულების საგანია გამარტივებული შესყიდვის საშუალებით, სახელმწიფო ბიუჯეტის სახსრებით შემსყიდველის მოთხოვნის შესაბამისად ოთხი ერთეული სასაჩუქრე ხანჯალის შესყიდვა (CPV18530000).

### 2. ხელშეკრულების ღირებულება

2.1 ხელშეკრულების ღირებულება შეადგენს 180.00 (ასოთხმოცი) ლარს დღგ-ს ჩათვლით.

### 3. ანგარიშსწორების ფორმა და ვადები

3.1. მიმწოდებელთან ანგარიშსწორება განხორციელდება უნაღდო ანგარიშსწორების ფორმით ეროვნულ ვალუტაში.

3.2. მიმწოდებელთან ანგარიშსწორება განხორციელდება მიწოდებული საქონლის მიღება-ჩაბარების აქტისა და კანონმდებლობით გათვალისწინებული შესაბამისი საგადასახადო დოკუმენტაციის საფუძველზე.

3.3. მიმწოდებელთან ანგარიშსწორება განხორციელდება მიღება-ჩაბარების აქტზე მხარეების მიერ ხელმოწერიდან 10 სამუშაო დღის განმავლობაში.

### 4. მომსახურების მიღების ადგილი და ვადა

4.1. საქონლის მიწოდების ადგილია: ქ. თბილისი, ც. დადიანის 30, მე-3 სართული.

4.2. საქონლის მიწოდება განხორციელდება 2017 წლის 23 ივნისის ჩათვლით.

## 5. მხარეთა უფლება-მოვალეობანი

- 5.1. შემსყიდველი ვალდებულია უზრუნველყოს საქონლის ღირებულების ანაზღაურება ხელშეკრულებით გათვალისწინებულ ვადებში.
- 5.2. მიმწოდებელი უფლებამოსილია მოსთხოვოს შემსყიდველს საქონლის ღირებულების ანაზღაურება ხელშეკრულებით გათვალისწინებულ ვადებში.
- 5.3. მიმწოდებელი ვალდებულია საქონლის მიწოდება განახორციელოს იმ ვადაში, რომელიც მითითებულია ხელშეკრულების 4.2 პუნქტში.

## 6. ხელშეკრულების შესრულების კონტროლი და მიღება ჩაბარების წესი

- 6.1. ხელშეკრულების შესრულების კონტროლს განახორციელებს სსიპ - კიბერუსაფრთხოების ბიუროს განვითარებისა და საგარეო ურთიერთობების განყოფილების უფროსი მაია აბულაძე და ადმინისტრაციული სამმართველოს საფინანსო-სამეურნეო განყოფილების უფროსი სპეციალისტი მიხეილ ბიწაძე, რომლებსაც შეუძლიათ ინსპექტირება განახორციელონ ხელშეკრულების მოქმედების ნებისმიერ ეტაპზე და წარმოადგენენ საკონტაქტო პირებს.
- 6.2. შესყიდვის ობიექტის მიღება-ჩაბარება ფორმდება მიღება-ჩაბარების აქტით, სათანადო სასაქონლო ზედნადების თანდართვით, შემსყიდველისა და მიმწოდებლის უფლებამოსილი წარმომადგენლების ხელმოწერით.

## 7. პირგასამტეხლო ხელშეკრულების პირობების შეუსრულებლობისათვის

- 7.1. ხელშეკრულებით ნაკისრი ვალდებულების შესრულების ვადის გაშვების შემთხვევაში, მხარეს ეკისრება პირგასამტეხლო ყოველ ვადაგადაცილებულ დღეზე შეუსრულებელი ვალდებულების ღირებულების 0,02%-ის ოდენობით.
- 7.2. პირგასამტეხლოს გადახდა არ ათავისუფლებს მხარეს ძირითადი ვალდებულებების შესრულებისაგან.

## 8. ხელშეკრულებაში ცვლილების შეტანა და ხელშეკრულების შეწყვეტა

- 8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.
- 8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 8.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

- 8.4. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 8.5. მხარე ვალდებულია 8.4. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 8.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

**9. დაუძლეველი ძალა**

9.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

**10. დავები და მათი გადაწყვეტის წესი**

10.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

**11. ხელშეკრულების მოქმედების ვადა**

11.1 ხელშეკრულება ძალაში შედის ხელმოწერისთანავე და მოქმედებს 2017 წლის 15 აგვისტოს ჩათვლით.

**12. დასკვნითი დებულებები**

12.1 ხელშეკრულება შედგენილია ქართულ ენაზე ორი თანაბარი იურიდიული ძალის მქონე ეგზემპლარად, ერთი ეგზემპლარი ინახება „მიმწოდებელთან“, ერთი „შემსყიდველთან“.

შემსყიდველი  
სსიპ კიბერუსაფრთხოების ბიურო

მიმწოდებელი:  
შპს „საჩუქრები-95“

დირექტორის მოადგილე  
გიორგი ბესტავაშვილი



დირექტორი  
ბერგი გეგეჭკორი



*(Handwritten signature in blue ink)*

ინფორმაცია ინტერესთა კონფლიქტის შესახებ

ქ. თბილისი

23 ივნისი 2017 წელი

„სახელმწიფო შესყიდვების შესახებ“ საქართველოს კანონის მე-8 მუხლის პირველი პუნქტის „ე“ ქვეპუნქტის შესაბამისად, ქვემოთ ჩამოთვლილი თითოეული პირი ხელის მოწერით ადასტურებს, რომ სსიპ - კიბერუსაფრთხოების ბიუროს მიერ ოთხი ერთეული სასაჩუქრე ხანჯალის (CPV18530000) გამარტივებული შესყიდვის განხორციელებაში (ხელშეკრულების დადების თარიღი N34 23.06.2017წ.), ჩვენი მონაწილეობა შპს „საჩუქრები-95“-თან არ იწვევს ინტერესთა კონფლიქტს.

სსიპ - კიბერუსაფრთხოების ბიუროს:

დირექტორის მოადგილე



გიორგი ბესტავაშვილი

ადმინისტრაციული სამმართველოს უფროსი

ერეკლე შანშიაშვილი

ადმინისტრაციული სამმართველოს ორგანიზაციული უზრუნველყოფის განყოფილების უფროსი



ნათია მელელაშვილი

განვითარებისა და საგარეო ურთიერთობების განყოფილების უფროსი



მაია აბულაძე

ადმინისტრაციული სამმართველოს საფინანსო-სამეურნეო განყოფილების უფროსი



რევაზ ჩხარტიშვილი

ადმინისტრაციული სამმართველოს საფინანსო-სამეურნეო განყოფილების უფროსი სპეციალისტი



მიხეილ ბიჭაძე

ადმინისტრაციული სამმართველოს საფინანსო-სამეურნეო განყოფილების შესყიდვების მენეჯერი



ნათია მუკბანიანი